

兼濟堂文集



978946

兼濟堂文集目錄

卷之十七

明故太傅愷陽孫文正公墓表

明故保定太守岱東丁公墓表

兵部尚書固山額真薄公墓表

誥授奉政大夫山東按察司僉事蔣中完先生

墓表

勅贈文林郎中書科中書舍人元勝程公墓表

誥授通奉大夫通政使司通政使龍淮霍公墓

兼濟堂文集 卷之十七

表

邑庠生李蕢之墓表

誥贈大學士拙菴公墓表

明殉節通議大夫兵部侍郎軒錄王公神道碑

銘

楊處士開之墓碣

四川方伯鉅鹿楊公猶龍墓誌銘

誥授中憲大夫河南分巡睢陳道按察司僉事

蔡公止齋墓誌銘



誥授光祿大夫禮部尚書諡端毅芝麓龔公墓誌銘

誥封奉直大夫德珩杜府君墓誌銘

誥封奉直大夫萬輿蕭府君墓誌銘

四川劍州知州文衣喬公墓誌銘

明故山左方伯思山王公墓誌銘

大理寺丞柱河高公墓誌銘

誥封通奉大夫太子少保禮部右侍郎兼內翰

林國史院學士六鵬李公墓誌銘

兼濟堂文集 卷之十七

二

誥授通議大夫總督倉場戶部左侍郎念盡陳

公墓誌銘

陝西布政司叅議瑤林賈公墓誌銘

二

兼濟堂文集卷之十七

天正結承宗室

嘉平

雲煙錄

栢鄉魏裔介貞菴著

男勤同較

明故太傅愷陽孫文正公墓表

天運由否而之泰則尺材寸藝之士皆得見功於當

世天運由泰而之否則舟楫鹽梅之儒亦徒抱痛於

終身蓋人事與天運相為盈虛消長大車則載棟撓

則凶自古未有任君子而不能扶危定傾者其有不

濟必其任之而不用也用之不盡其才也又不則其

兼濟堂文集

卷之十七

一

人雖有君子之名而亨屯幹蠱之猷有所未裕也匪

是而何不濟自古未有任小人而不僨轅破犁者其

有不僨必其任之而不用也用之不多其類也又不

則其人雖有小人之名而嫉賢妬能猶有未逞也匪

是而何不僨嗟乎有天下國家者亦知治亂之由乎

此乃往往擯斥豪傑遺棄老成卒至覆敗以取滅亡

所以然者由於德薄數窮天奪其鑿憤憤而出於此

也若明故督師閣部太傅文正公孫愷陽先生者余

考其遺事蓋不勝嘆焉先生諱承宗字雅繩別號愷

拔生於嘉靖四十三年正月壬申六歲入塾出語驚人十六歲補博士弟子二十歲試首卷食餼三十一歲選入國雍甲午中鄉試第五會試落第仗劍遊薊門榆關周歷塞下亭障具知險塞扼要處詢營弁老革之習於邊事者按行威將軍所設施防守事宜慨然有志已亥讀書雲中撫署值兵噪公屬筆書榜項刻定之自甲午至甲辰十年讀書以一甲第二名及第除授翰林院編修又十年甲寅陞右春坊右中允是年撫順清河失守廷議起熊廷弼爲經畧衆以爲

必辨公逆知其無濟也已而果債庚申陞左春坊左庶子克日講官添設兵部侍郎以公爲之壬戌廣寧陷王化貞走熊廷弼焚右屯尾化貞而西俱入關朝廷大駭乃以公爲兵部尚書兼東閣大學士公上疏劾廷弼化貞下獄是時新任經畧王在晉懦而詘於謀公自疏請督師辟定興鹿善繼爲叅佐至關門旌旗壁壘爲之變色立六館以招天下豪傑用祖大壽滿桂馬世龍等爲將簡汰老弱訓練精兵烽火稍息而朝議頓起謂公用撫鎮爲不得人公遂上疏求去

不允因巡邊欲由古北口取道都門面陳進兵機宜
閣臣阿闐人魏忠賢意蜚言樞輔擁兵數萬來清君
側泣訴御前立諭止之公接諭復上疏求去忠賢假
子崔呈秀首疏劾公科臣郭廷臣和之公遂告歸奄
人使其黨磨治督撫文書卒無隙中公當關四載
其籌畫訓練節省諸經濟俱載本傳中乙巳

王師入關攻破遵化永平灤州遷安等處朝臣貽聘
乃議起用公令公守通州公率二十四騎夜半出東
便門疾趨通州未幾袁崇煥下獄論死祖大壽驚疑

兼濟堂文集

卷之十七

三

率兵東奔公密奏令馬世龍往撫之大壽感激返旆
而西督兵一萬五千入援京師戒嚴旋復命公移鎮
關門復遵化永平灤州遷安加公太傅廕一子錦衣
世襲而中朝科道猶以大壽東潰事爲言議者不已
公又上疏乞休不許仍令視事遂出關抵松錦修邊
飭備陵河失守言者又以此議公公十七疏求罷得
閒任戍寅高陽失守公被執主兵者勸之降不屈自
縊而死冬十一月十日也距其生得年七十有六公
配王贈一品夫人生七子鑑鈗鈗鎔鎬鎬飾諸孫之

滂官至錦衣衛指揮僉事餘載墓誌家傳中不能具述所著有文集一百卷奏議三十卷督師全書督師事宜車營歷宦舊紀前後督師紀畧高陽縣志共二百餘卷余按公天性忠孝才猷練達方其仗劍行阨塞亭障間卽欲爲國家建萬里長城之策蓋於天下事已講求有素矣故一出督師際闡宦用事之時從容談笑而寧前一帶安如泰山再出督師受命於艱危之際單騎穿壘而遼西之復易如反掌若使當日非公則邊方門戶淪陷幾盡屹屹京城孰可恃者乃兼濟堂文集

卷之十七

四

必不救之勢也又何能支持十餘年之久哉厥後流氛猖熾議者言撫言勦迄無定局公當告休時嘗私議此當用名將征討之不宜專任督撫節制日日殺賊賊急乃可就撫撫須更用一等人不得借言勦以相妨也噫豈非救時勝算哉故明思宗亦以公爲似漢之諸葛武侯特知其賢而終不能用卒至殺身成仁殞命孤城謂之何哉公知人善任經濟優裕其學悉根柢先儒正論與余祖乾仲公爲鄉會同年友交最厚余祖歿公爲作誌敘及徵收開荒練兵屯田諸

議公於余祖有深契焉至海內賢豪如馬從吾鍾羽
正高攀龍左光斗皆公同志也是以巡邊入覲而僉
人疑其爲晉陽之甲幾欲陷以大罪蓋鞠躬盡瘁與
武侯同而所遇讒人之口蝸蟻鼎沸殆十倍於黃皓
也其友人與之周旋行間者則太常鹿善繼定興人
孝廉孫奇逢容城人皆有古人之風

兼濟堂文集

卷之十七

五



其文之與之間並言開普眼太常鹿善繼定興人
其符同而所遇讒人之口蝸蟻鼎沸殆十倍於黃皓
人疑其爲晉陽之甲幾欲陷以大罪蓋鞠躬盡瘁與
武侯同而所遇讒人之口蝸蟻鼎沸殆十倍於黃皓
其友人與之周旋行間者則太常鹿善繼定興人
孝廉孫奇逢容城人皆有古人之風

明故保定太守岱東丁公墓表

丁公岱東之捐館也三十餘年於茲矣其嘉言懿行歷久彌新先生令子增孝思不忘若以余言爲直而不華似可信於後世者墓例有表猥以見屬余惟先生之德膾炙人口久矣又與先祖御史贈總憲乾仲公同辰年譜叨世講末不得辭敢不敬而表諸先生諱自勸初號岱東改號化字萬曆癸卯薦於鄉明年進士除山西襄陵令多善政朞月與人頌作臺使者廉治行特薦會邑之貴紳有子殺人先生坐之辟紳

兼濟堂文集

卷之十七

六

啣而中傷之轉工部主事督蘆政時福藩請蘆田爲湯沐費先生持不可疏力爭人皆爲先生危先生不爲意又移書長史等陳利害藩意阻部覆奉俞旨事遂寢遺藁載本傳未幾晉兵部郎隨晉保定郡守保定畿輔重地郡多中貴人恣睢以逞先生毅然不爲奪曰刑餘耳何得聽其持短長乎乙巳入覲列卓異璫啣之下石注左遷先生拂袖歸則杜門事贈公孝養惟謹邑有以僱役法相屬者先生曰此熙豐弊政也力阻之歲癸亥直指薦補潞安司李多所平反

甲子分闈所得盡知名士有擬程載試錄中晉北工部虞衡權南新稅悉謝諸請謁闕署故錢武肅王舊宮也多崇現形白晝有聲先生叱之遂不復見丙寅以丁贈公艱旋里哀毀動人小祥後課子弟聚集一堂告以舉業之要丁卯姪大毅以禮經魁齊魯服闋補戶部主政監兌蘓松餉時國事孔棘先生力疾籌餉無晝夜閒遂卒於官囊無餘資華亭李公助其喪送者近萬人行哭失聲時年五十有四公論痛之其後三十年邑人上其事於學使者祀鄉賢嗚呼古之

秉濟堂文集

卷之十七

七

君子沒而可祀於社若先生者其無愧矣先生慈明廉毅其天性然也家居節儉教子弟以學咸有法式杜門時手一卷絕跡公庭遇民間有大利害則侃侃正論不隨人唯諾自令而部部而守再補司李主蘆政屢蹶而復振其氣不撓持法平恕汲引寒士賑孤弱恤流亡無少怠容雖外吏不過郡守在朝不過部郎未得盡出其底蘊以福澤蒼生然而抑藩之醜有董廣川之風忤璫之勢有劉司戶之節叱怪之妄有呂東萊之識古云剛德先生有之先生有子十二人

其十一人皆早世今之以傳來者曰增增博學善爲
文能繼其家學與余游余愧鄙陋僅述其梗槩爾

兼濟堂文集

卷之十七

八

其十一人皆早世今之以傳來者曰增增博學善爲
文能繼其家學與余游余愧鄙陋僅述其梗槩爾

兵部尚書固山額真薄公墓表

公諱薄薄免其先廓兒沁人也我

太祖武皇帝備睿聖文武之德肇造東土公以豪傑之才
慕義歸誠遂荷寵眷常從征伐無不破戰無不克
軍中推爲飛將遼陽之戰躬冒矢石衝鋒先登所向
披靡

太祖錄其前後功績乃授顯職嗣征錦州遇敵於寧遠是

時敵衆我寡從者請稍避其銳公奮然曰此丈夫報
國之秋也遂奮往直前敵兵勢衆四面圍繞矢盡援

兼濟堂文集

卷之十七

九

絕遂及於難嗟乎自古帝王之興必有心腹股肱之
臣爲之贊襄而効力折衝疆場畢命者尤爲忠良之
最是以

朝廷憫而嘉之俾世厥職今大司馬明公公冢嗣也
復佐

世祖章皇帝混一天下內而滿漢蒙古諸固山額真外十
四省諸都督總兵官惟公職掌調發運籌決勝無不
洞中機宜山海之間蕩然無復寇氛矣雖大司馬之
功哉皆由薄公功德深厚積慶之所遺也大司馬將

赴

盛京立碑墓前追憶先人不禁涕泗潸然令余爲記
其事余從實敘述語無溢美不特備史臣之採擇且
以彰大司馬之孝思無窮也

兼濟堂文集

卷之十七

十

以博大同無念孝思無窮也
其事余從實敘述語無溢美不特備史臣之採擇且
以彰大司馬之孝思無窮也

不誥授奉政大夫山東按察司僉事蔣中完先生
余幼時值明季兵荒交作國勢日傾每盱衡天下士
恒歎昔賢如樂生諸葛君之流今皆不可復見於世
徒以尋常齷齪之資膺濟川舟楫之任有載胥及溺
而已然竊計天下之大匿彩毀光爲蒼生立命者必
有其人間從賢豪長者游則已聞金沙有中完先生
云先生姓蔣諱鳴玉字楚珍號中完上世居宜興稱
九侯望族後徙金壇祖諱漪生子五人最後舉芝田

兼濟堂文集

卷之十七

十一

公甫卽先生父也先生生而廣額豐頤眉目秀潤讀
書穎慧不羣家貧不能多蓄書則借而手鈔之積數
百卷爲文豪宕騫舉衆莫能識閩中楊晦菴爲邑令
特拔之旋以高等貢國雍庚午舉孝廉是時金壇周
介生張公亮皆以文名重海內自先生文出而遂與
之相頡頏兩上春官不第閉關七年得以大肆其力
於文章兼考究兵農禮樂鹽漕法律戰守本計慨然
有濟世之志丁丑成進士任台州司李蒞任兩考民
不流士不蕩軍不譁役不蠹撤淫祠息健訟懲冒免

革委官杜質妻禁溺女除屯田學田攤田包荒之累積穀萬石有奇核城守軍伍之空各占籍者修臺築堡防禦海寇仰山石塘盤門鷄臍之役皆戎服深入降厥渠魁宥其脅從詳載天台政略中奉召入都授兵科給事中數上疏陳國大計箴砭膏肓力破庸虛時事已去拘牽弗用先生輒掛冠去

兼濟堂文集

卷之十七

十三

冒雪馳費邑西山賊穴中招諭懇摯降者萬口時余伯兄適宰費邑受先生指示方略城社獲全爲余述先生之功最悉無何以賊寇嶧縣鐫級歸里依芝田公膝下奉甘旨侍杖履凡四歲芝田公卽世哀毀成疾以辛卯中秋捐館舍又十六載長君虎臣太史以其所爲行實拜泣而示余曰余先子少而坎坷中獲一第遭世多故弗獲攄其夙抱坐平行事及所著書具在非公表而著之則何以勒不朽余旣景行先生有素因得讀先生之遺書乃知先生人品學問功業

文章皆非世俗之所及其經濟包舉敬輿而道德蘊括春陵風雅繼躅青蓮而行義標準萬石卽如策富而富策強而強聚智而智效謀聚勇而勇效力諸奏疏俾李左車汪立信諸人復生爲故明計不過如此而無如宰執憤憤衰如克耳也至於氣質之性始於宋儒以明道之賢亦有惡不可謂之非性之說而余則斷斷以爲非是故於知統錄著之曰其說與孟子性善微有異茫茫宇宙竟未有同之者余讀先生之書曰性卽理也不兼氣質又曰氣質二字攙入性內性遂不明於天下又曰心不載性不可爲心情不本性不可爲情蓋不勝擊節旣取其說之相符可以自信其言之不謬而佩服先生之學超然遠覽直接子輿氏濂溪之傳又寧僅博雅之林楨榦之具耶今太史虎臣方督學畿輔將以先生之庭訓淑身者陶茲後彥較胡安定之經義治事似更過之則淵源之有本也天下後世瞻拜先生之墓者必當讀先生之書以求先生用心之所在昔蔡中郎嘗謂吾爲碑銘多矣唯郭有道碑差無愧耳吾於中完先生亦云

勅贈文林郎中書科中書舍人元勝程公墓表
程公名大任字元勝新安塘尾人也祖確齋公素豐
於財父明易以失明家遂中落公生而聰健孝友性
成躬耕隴畝暇則篤志經史不屑爲章句學值明季
捨攘慨然有避世志往來京洛吳會間樂青溪土風
遂家焉公有愛弟出入必偕凡延師婚娶俱從厚以
慰親心至父母喪塋則獨力負荷無幾微見於顏色
有與公同貲以販者因被讒分業公置弗較嗣以逋
累求計於公公保護之幾自罹於難弗顧也里民張
兼濟堂文集

卷之十七

十四

姓者以病劇棄妻公給以金使伉儷獲全同姓以十
二歲女託言他姓子鬻於公公攜歸始知其詐卽視
如已女擇士人嫁之新安有世族數人爲他姓排陷
公素不相識力鳴之當事得直而去其訟費不支諸
人不能償公亦不問也遇饑饉出貲賑濟全活甚多
吳俗多火葬尤憫之爲置隙地以待力不能葬者蓋
公雖不以任俠自居而周急扶危排難焚券等事未
可更僕數以故新安青溪兩地視公爲陳仲弓王彥
方復出焉然終以好義樂施傾囊不惜晚年家頗落

性嗜飲每招飲樂羣至一斗不亂其教子也因本而
施長含文名化鳳以所業授之次禹門名化龍好學
善屬文初補博士弟子員繼循例入太學禹門以公
春秋高不欲離膝下公嚴督之乃出自晉入燕公卿
折節交之而公忽不起禹門徒跣奔里經紀喪事誓
殯公於祖墓服闋後登己酉鄉薦庚戌余校士春闈
得禹門卷擊賞以爲有陶會稽湯宣城之風拔前茅
成進士授中書科中書舍人乙卯十二月贈公如其
官然則公雖盛德深藏生未仕宦而教子成名地封

兼濟堂文集

卷之十七

五

榮寵亦可以慊願於九原矣禹門孝友愈篤以公命
兩世不析爨治家整肅能以古道自處今雖珥筆西
清尚淹僚屬而河洛傳述確有端緒後日之遠大固
未可量也公可謂有子而式廓其德也已某年月日
歸墓原壠禹門以公行實乞言於余余以通家誼故
爲表而述之俾後之遊黃山白嶽間者遙指佳城曰
此故瑰材瑋行碩德清望贈君程公墓也必有肅然
起敬而憑吊低徊不能去者矣公有子有女有孫家
慶無缺悉載誌中茲不復贅

詔授通奉大夫通政使司通政使龍淮霍公墓表

公姓霍諱叔瑾字子瑜號龍淮世居井陘生而岐嶷聰穎過人凡所誦讀悅懌於心從疑得悟不僅爲訓詁之學留心義易程傳本義靡不融會貫通崇禎丙子領鄉薦出柳公諱寅東之門屢躋公車益潛心經史工名人書法尤篤嗜米元章能得其神甲申之變爲流寇所執終不屈寇亦不加害我

朝定鼎後筮得山左棲霞令時萑苻未息公冒險抵兼濟堂文集

卷之十七

六

任招揀拊循備殫心力凡錢糧獄訟勸學興賢俱井井有式數月而邑大治土寇楊威率衆來寇公堅守却之乙酉分校秋闈得王禎宮廷珍沙澄張四教范乃蕃孫根深六人明年聯第者過半後多至顯仕識者咸服公能得士焉尋擢工部屯田司主政遷營繕司正郎監脩

乾清宮計日工竣陞太僕寺卿歷游光祿太常通政使奉

命祭告古帝王陵寢躬承大祭殫竭精誠弗稍苟也還

朝之日海內方冀公大用而爲忌者所嫉遂以原官致仕公生平梗直伉爽不爲促嘗嗾呶之態自以監脩大功得列清卿而媚者擠之及居大銀臺封駁之司會推會議侃侃讜言而欲去之者益衆然公終不在道以求合也致政之後耽情泉石凡邑之峰岫溪澗有佳勝者游展悉遍壽至七十而終可謂完人矣嗟乎彼乞哀昏夜驕人白日者視之當何如耶古者人有定品有定評其後人無定品亦無定評以剛直不詭隨者爲非以俯仰能趨時爲賢世風愈下狂瀾兼濟堂文集

卷之十七

七

莫障議論紛淆而不可救也若以聖賢之道觀之寧取世俗之所非而不取其所賢則公之過人遠矣今公之子鈴偕其婿李澄來告曰今年八月將塋公於城北之阡塋爲墓上碑余生平素知公故述其本末表之以垂示不朽云爾

邑庠生李黃之墓表

李生芳實其字黃之世居西村生而蹀躞受業葩經頗事涉獵下帷西山亦有志乎進取棘闈見蹟浪蕩酒博之間彭川各邑間之左右輪奐輦奕皆魏族公子也夫其家多賜書庭有傳笏倒屣而迎座擁中郎之客鳴鐘以食時傾北海之尊生於斯時爲虛左之侯生結襪之王子矣旣而兵戈倥偬城社摧頽兼以連歲饑饉人相殘食天水違行鼠牙雀角戚里多舍沙之蜮棠棣啓闕牆之釁生於斯時左之右之尚有

兼濟堂文集

卷之十七

七

左桃之言不貽翟公之誚迨至京省仕宦鎖闥清華曳履宅探高車駟馬生於此時觀東閣之賢人聞秘省之緒論一觴一咏贊述其間不可謂非奇遇也至於游梁入晉赴粵浮江山巉巖而異態水滉漾以生波莫不遐覽曠矚雖無雄文紀載亦能津津見之稱述矣生平臧否人物不無忌者性能強記運筆蹇焉年過七袞炊臼變生非莊生鼓盆之情懷夢得悼往之意負暄荒簷失其况味日月不留奄然俎化子嗣旣乏蒸嘗遂缺遺有一女皤然婺婦大化遷流無能

免者墓草已宿哀而表之以志余之不遺故舊云爾

兼濟堂文集

卷之十七

五

詩話魏氏家乘栢鄉縣誌四書目錄等書蓋才品卓

兼濟堂文集

卷之十七

二十

犖岍然自命以經世宰物任重致遠而風度所被足
爲矩則識尤洞照月旦衡量無不符契遠近慕而嚮
之有似乎漢之郭林宗宋之陳同父賡志而歿未竟
其施海內賢者莫不惜之公生於明萬曆癸巳年五
月十六日戌時卒於清順治己丑年九月二十一日
未時享年五十有七元配張氏明邑人兵部職方司
郎中因建言贈太僕寺少卿栢華張公之孫女武進
士官至驃騎將軍喻雅張公之長女高邑吏部尚書
夢白趙忠毅公之外孫也寬和慈惠事公姑至孝相

夫子勤儉經營克殖家業通書識禮夙興夜寐撫教
子女有敬姜孟母之風侍庶子如已出一生布素不
尚華侈體悉僕婢人人爲之盡其心力淑德闡儀遠
邇矜式咸以爲宜傳入列女焉生於明萬曆乙未年
四月二十九日卯時卒於清順治己丑年二月十九
日未時享年五十有五

皇清順治戊子以子喬介封吏科右給事中再封光祿

大夫太子太保都察院左都御史加一級又以子喬
魯封奉政大夫江南淮安府同知再封階中大夫總

兼濟堂文集

卷之十七

三

理直省山東等處都轉運鹽使司兼理鹽法道運使
加一級又以子喬介封光祿大夫太子太保內秘書
院大學士母初封孺人再封夫人又封宜人封恭人
封淑人累封至一品夫人長子喬魯官至山東鹽法
道鹽運使次子喬介官至光祿大夫太子太傅保和
殿大學士兼禮部尚書加一級三子喬訥官桃源縣
知縣四子喬懋順治丁酉科舉人考中知縣五子喬
侗四品官監生長孫勳康熙己酉科舉人考中知縣
次勗壬子年拔貢生次總壬子科舉人次勳一品官

廕生次男府學廩生次嘉孚縣庠生次勛官監生次
勉次助次勸次勤次荔曾孫庠生世履等幼者
名不盡載其行實之詳別具墓誌本傳中順治七年
四月二十六日墓於祖塋之次先是已鑿封給諫碑
而介旣爲大學士封三代乃更立豐碑以樹墓前時
康熙十二年歲在癸丑暮春之十五日也

兼濟堂文集

卷之十七

三

明殉節通議大夫兵部侍郎軒錄王公神道碑

銘

少司馬軒錄王公殉節之後十八載其男仲叔暨孫維坤以其行狀誌銘來徵余言爲神道碑銘余竊惟運遭陽九內外交訌雖有蹇蹇匪躬之臣亦阨於屯否而弗克竟其志卒以身殉國難大節昭然炳於日星此誠足以風厲羣工垂示來葉也余故論次其事爲碑而表之公諱家楨字正之號軒錄上世山西高平人自高祖名恕者始遷居長垣四傳而及仁齋先

兼濟堂文集

卷之十七

三

生則公父也元配趙繼娶葛而生公公生而穎異十齡善屬文十二母喪哀毀如成人癸卯舉於鄉丁未成進士筮仕比部郎官三載平反無滯獄旋丁外艱蔬素終喪服闋補任管德州倉時餉法本折兼支公念歲祿粟湧貴盡發儲藏給之市價爲平而民賴以全活已而出守德安德安爲楚劇郡守其地者左右顧公至一以節惠行之頒五約以身先諸屬值亢旱步禱赤日中甘澍立應而民復賴以全活已又值大饑力舉荒政十有七奏記部使者請以鑑代漕易粟

以大賚饑民仍設粥廠以飼不能舉火者而民更賴以全活其他良法美政未易悉數者舉視此政聲達輦右以卓異寇十五郡移節承天力持守陵諸璫不聽魚肉民已而又移鎮神木神木故邊陲扼塞寇警不時起公單騎往攝之建堞築堡嚴堠戒烽一鎮遂成金湯尤以運糈星急籌度殊苦兼取本色以給軍饑扣除折色以償宗祿實心經畫兩無致病是時忠烈楊公以忤璫逮公聞而義憤形於色遺書楊公謂生死公已自定不足問所痛者國是耳其抗厲激昂兼濟堂文集

卷之十七

三

空何曾見一陣何曾濟一事聲動天顏命記註以宣
付史館乃政府因戶部司官王楫之賂以寧遠兵噪
疏奏誣公封貯庫不發公遂落職去公歸與其子姪
談道橫經若無意於當世者丙子復以兵待起時烽
火漸逼都門公兼程叱馭遂有總理五省之命疏稱
此行惟有察吏平寇二事然察吏卽以寇察之平寇
卽以吏平之尤念土寇不滅卽遠勦流寇而土寇又
必乘間起於是嚴檄諸路總兵左良玉等合圍分戰
前後斬級萬數賊大潰竄入霍山潛山一帶復檄史
兼濟堂文集

卷之十七

三

公道隣擊斬無筭乃公則以徵調煩苦百病俱發目
遂病疏數上得理撫分勦之命又上五疏准回籍調
理然猶日夕思爲桑土計庚辰歲凶畿南盜蜂起袁
時中聚數十萬攻城掠地公與紳衿捐助竭力固守
垣卒無恙直指韓四水衛紫嵐屢薦不起未幾賊攻
長垣諸子環跪請避公曰不能以一旅拯國難死何
足贖極知無成一死見臣心耳未幾僞令至知神京
失守慟哭投繯而絕則甲申六月四日也嗚呼公碩
德至行家乘不勝書偉績累伐太常不勝勒其詳盡

載少傳成青壇先生誌中余獨悲其前後經營國事
數十年而終以一死植節也既述其槩並繫以銘
銘曰世有大人特立四表爲天鼎石爲國威寶協忠
宣猷中外一身暮無夜入座有清塵承帝之簡彤弓
象弭節制中原撥亂求理盈廷昌言顧視惟公排難
履險盡瘁鞠躬國亡與亡誓不獨生疇孰無死公死
猶怒桓桓烈烈光昭千古

兼濟堂文集

卷之十七

謝忠肅公集卷之十七

謝忠肅公集卷之十七

謝忠肅公集卷之十七

謝忠肅公集卷之十七

謝忠肅公集卷之十七

謝忠肅公集卷之十七

謝忠肅公集卷之十七

楊處士開之墓碣

處士楊文運字開之居栢邑之南楊村爲庠生幼學於乾仲魏公自公始爲孝廉暨成進士令陽武永城處士皆從之游未嘗廢學也乾仲公歿處士與拙菴魏公爲通家之好樸園柳墅花木陰翳池沼清曠佳節良辰每相過從下榻夜談如諸昆弟處士不慕榮利不設機智與人油油然教授生徒及門甚衆年七十猶闡釋詩書至夜分不倦常曰我樂此不爲疲也精術數言多中順治十八年以疾歿魏子在都聞而

兼濟堂文集

卷之十七

七

哭之旣致奠復具贖錢數十緡其子楊象泰亦諸生也遜辭取與不苟蓋有父風焉嗚呼昔人爲穉生置醴爲鄭公立鄉今其風邈矣或私立謚以相尊稱亦非處士之志也今紀其生卒年月勒之石生於萬曆丙戌三月二十八日亥時卒於順治辛丑年二月初五日子時

兼濟堂文集

不計四川方伯鉅鹿楊公猶龍墓誌銘

公諱思聖猶龍其字號雪樵直隸鉅鹿人也今海內能文家無不知有猶龍氏者康熙改元公以四川方伯覲闕下畢亟旋所任時病瘕及河內之清化鎮遂不起其友魏裔介聞訃爲位以哭齋文告奠畧叙其出麾藩臬之故而尤悲其如是之才未竟厥蘊屬其家焚於柩前不欲以示人也已又念公平生所嗜好復以詩十二首哭之而其孤履吉作爲行述且以申涵光之傳來固請余銘曰嗚呼余安忍不銘吾友哉

兼濟堂文集

卷之十七

天

自公之出也余猥竊臺端顧中遭讒訟既不能出其氣力挽吾友於生前而僅以其文報吾友於地下則將掩袂以爲之銘而去吾友之亡也忽又十年矣公幼有神童之目年十二補博士弟子員已邇以鄉試副榜貢入太學壬午中順天舉人丙戌成進士選翰林院庶吉士已授編修纂修實錄陞修撰歷任春坊侍讀學士尋出爲山西按察使陞河南右布政使轉四川左布政使以卒公天材雋妙風神卓絕舉世所不得梯攀尤工於爲詩擅晉人書法旣居禁近譽望

日重而性慎許可間與一二知己秤量人物時有貴顯以壇墀自命者公終不肯屈一指聞者固已恚之

方

宮詹曠所書縑幅獨稱

旨賞賚有加恚者益忌公將大用思有以中之會

上欲破銓法積習內外互用而公遂補外陳公亦出爲陝西布政或疑公注情風雅必不諳熟吏事若以此困公者乃其在山西也讞決精敏累年大案片言立

兼濟堂文集

卷之十七

完

解督若撫皆倚辦如左右手其在河南也攝左藩事革羨額給軍餉以潔廉稱居一年鹽使者力薦及遷而之蜀蜀係新造土荒不治民與虎狼雜處時又用兵軍需旁午通省權筭歲所入不過三千緡無以應也公至則悉心綜理之首曰募開荒立法盡善計增額至數萬一以輸之縣官而民不謂苦次日招外商平劑物價無有奇贏四方擔負而至蜀漸復故凡四載當事交章舉卓異因入

覲賜袍服有差而病已甚矣然則天下之稱公者止

以詩文爲當今之第一固不足以盡公也卽荒餘軫
結欲大有以難公者適足以見公之才成公之譽則
亦何益而可以止矣獨怪公歷官報最資格轉注會
應內遷而廷推者再達於曾公闕器人命對詩美
御前若或尼之其根蒂之結不知何自而然今以方
伯有功可紀使稍延月日以上考乎進必爲卿貳將
發揮其所未盡乃八年勞吏間關殞命於車塵馬足
之間也嗚呼豈非天哉公之於詩也抉開元大曆之
精灑明人中獨喜李啞峒何大復嘗冥搜放意動慄

天然登山臨水憂時憫物之志無一不洩之於詩其
且亭稿有六刻無慮數萬言入蜀以後益蒼茫蔚跂
仲伯澆花之間大復固不及也但其宦跡之遼遠年
華之耗折竟與大復相上下蓋公之必傳於後也以
詩而公之遭忌以沒也亦以詩嗟乎是則可哀也已
公生平於聲色仕進皆不營心獨鑒別人倫接待寒
素有若饑渴於己丑禮闈拔卒講讀學士曹本榮等
二十八人本榮學者所稱厚菴先生也先是公與其
友永年申涵光鷄澤殷岳讀書廣羊山中後居方岳

每懷巖棲之志及病亟殷生時在左右公曰我爲庸醫所誤殆將不振沒之後魂魄其依廣羊乎太原有高士傳青渚者精醫術我所善若彼至或可以救殷生掉臂行力趨青渚觸炎冒雨晝夜走千里及至而公已沒公之知人能得士心也類如此憶余與公交幾三十年矣憶初相遇意氣蠶涌被酒招呼兩人卽以性命期許已同籍同朝風雨如晦無間朝夕游履所至皆有歌咏筆札往來殆成卷軸公旣在外以山川契濶之故猶託毫素以論心及辛丑之來京師也兼濟堂文集

卷之十七

三

殷殷執手淒然更不勝情方與余約爲他年禽尚之游乃未及而匆匆以死余之淺植薄蓄豈敢望公世之耳食者且以大家同類而並稱之嗚呼獨生是愧其亦待後世覽者之流連慨嘆也與按楊氏之先其譜系相傳出自龜山有諱忠者爲始祖四傳而公之曾祖諱中明嘉靖庚子舉人同知杭州府祖諱若相光祿寺署丞贈奉直大夫妣閻氏贈淑人公之元配李氏諱粹玉贈奉直大夫妣閻氏贈淑人公之元配李氏封淑人有二子履吉官監生娶河南水利道副使劉

詔授中憲大夫河南分巡睢陳道按察司僉事
公諱含靈字子虛別號止齋生秉異姿弱冠遊庠即

以能文見重當事登乙酉賢書丙戌上春官第出宰
天台時疆理新闢台民猶有梗化者公下車慨然曰
赤子而潢池耶犢牛而刀劔耶作爲文誥以訓諭之
民乃革心幸免斬刈全活甚衆吏台七年入泲司空
屬乙未督兩厰丙申理通惠河所在咸稱職己亥奉
命權龍江值海氛犯金陵一時官吏軍伍皆登陲公獨

兼濟堂文集

卷之十七

戎袴彎弓慷慨立江上賊艘數萬泊河滸公不一離
足及寇平總督郎公讓焉公曰某職在權關城外居
民往來商賈皆伺關吏爲動靜一移足則勢如瓦解
而城中奚以爲援郎公壯其言而趨之壬寅今

天子改元公以司空郎出爲河南睢陳觀察使嘗自書
屏右曰今日居官愛民固非易事然惟本之至誠而
出以婉異上下自相諒也蒞任四年門鮮私謁自甲
辰夏初署學政再署驛傳三署臬司四署副憲中丞
縈源張公以公優於吏治而更能通以儒術委之愈

專而公亦自以爲分所當爲而無吝却顧也其受任
益力暮年之間兼聽並觀手口卒瘁遂致積勞不起
臥病七日而歿歿之日家人盡啟其笥不足克殯殮
資自中丞張公逮寅案僚屬罔不割俸捐資以爲賻
贈而陳之民至輟耕罷市扶老攜幼焚帛持香涕泗
相告曰自公之蒞吾陳也曾未有以纖芥事苦吾陳
民而公平昔願自苦若是於是有典衣輸金者有以
尺布束草易錢投贈者櫛車北指哭送百里外魏子
曰公前侍御浚濱先生六世孫也古者趙都人才最
兼濟堂文集

卷之十七

三十四

盛宋元以後學術日趨淺薄獨浚濱先生根究本源
深探性命余嘗從燕市中得先生語錄舊本以授公
公垂涕曰此先世篤志所述而家失其傳今授此大
惠也乃重加校閱而刻之公由是益勵於學以先賢
爲必可企以名臣爲必可爲余亦以三不朽之業日
夜爲公期望而孰意其奄然長逝也嗟乎世人所謂
當官稱職者我知之矣習於脂韋而自謂弘通工於
腴削而妄希津要利之所在名弗顧焉而公之守已
也獨潔以廉治民也復慈以惠非其中有定見焉能

若是之皎然不欺其志乎先是公伯兄諱化成早喪遺孤姪琿甫十歲姪女甫七歲公暨宜人鞠若已出壬午大兵過寧晉攜琿去後公於燕邸遇之卽貸數百金贖歸俾骨肉忻聚以繼伯兄之祀鄉黨夙高其義以故公歿未幾而邑之紳士以鄉賢請祀公於學宮之側當事者嘉嘆允之豈有私於公哉直道之不一泯於人心所固然也公誠可謂聿脩厥德而繩其祖武者哉公生於萬曆戊午年十月二十日丑時卒於康熙四年七月二十四日戌時得年四十八歲元配兼濟堂文集

卷之十七

三

誥封宜人吳氏男一瑤邑庠生娶本縣前進士侍御高公諱捷重孫女孫二長仁慶聘趙州癸卯科舉人張諱爾介女仲仁篤未聘孫女一許字余胞兄山東鹽法道竟甫公長孫瑤旣與余姪勸爲兒女姻而余又與公爲年友有素好瑤乃以趙乃來之行實乞銘於余余又敢以不文辭乎乃爲之銘

銘曰翩翩子虛紹浚濱氏藝苑瑰竒循良任使士頌菁莪民歌樂只在台之陽在汴之沚祈公長年孰謂公死鬱鬱瘦陶佳城玉倚焜耀幽泉光符信史

誥授光祿大夫禮部尚書謚端毅芝麓龔公墓

誌銘

公諱鼎孳字孝升號芝麓江南合肥人歷官至禮部尚書以癸丑年九月十二日卒於鄉令子士積以狀來請銘余不敢以弇陋辭因略其狀而舉余之所知於公者以爲公誌焉夫余與公前後同朝者垂二十年矣猶憶官京師時公寓去余僅數武時相過從凡遇國家政事有關利害海內人才足爲楨榦者商確揄揚如出一意偶不及面則假片紙以通聞問久之

兼濟堂文集

卷之十七

三

而積至盈篋迨辛亥春余自政府請告歸里公既贈以詩復賦韻八章有高明勇退蒼生臥轍岐路分襟同心紉佩之句迄今什襲之不忘也壬子冬余貽公以冬至閉關宜法蘓文忠與子由語蓋以時事方艱公負天下重望足以奠安宗社康濟元元非獨爲一人之私交也旣聞公捐館爲之泣數行下噫公死矣公死而訐謾碩畫誰爲

天子陳麗澤鴻麻誰爲嘉師布正言讜論誰爲友朋勸
今縱藉片語單詞以追溯公於生前之萬一於世亦

奚禪哉然而公之功業勲名其赫赫焜耀於曩日者則亦何可泯也公姿貌魁碩風格秀整雙目閃閃如巖下電早歲科名蜚聲菽苑筮仕楚令捍禦孤城自拜拾遺蹇蹇諤諤天下想望於時公年猶未三十也洎乎滄桑變易亳社將移正公罷職退閒之日匪有簪紱職掌之司而公猶懷弘演納肝之忠矢賔王討賊之志及

兼濟堂文集

卷之十七

三七

兩朝剔歷部院遇事敢言抗表廷爭務崇寬厚有禪國家豈淺鮮哉而况天性愷悌刑獄之際尤多矜恤慈惠之施及於犴狴至有身被重戮瀕死而猶頌公之德者亦可以規仁人君子之用心矣若其汲引人材獎進士類孜孜不及家無僭石之儲可名之錢而解衣推食自宗族以至閭黨凡有所請必委曲以應不給則稱貸出質以繼之以故十年中公雖一登總憲三晉中臺兩典禮闈囊橐蕭然無踰寒素而士之一過其門者罔不各得其願以去聞公歿之日大江

南北士人多有爲位而哭者殆所謂南望崖州同時
下淚未免有情其能恻然耶公生平善飲好爲詩每
卽席分韻他人側弁吟哦思竭不續公搖筆泉湧刻
燭于言而皆搜竒舉秀戛玉敲金卽有贍捷者咸避
舍弗敢與公角觥籌酬酢東方旣白登車徑去赴朝
參無醉容無倦色少年曾莫之及焉歷官數十年於
交道尤稱肫篤友人之在仕籍者如王鐵山孫北海
曹秋岳周元亮楊猶龍姚若侯始終不渝貧賤之交
如紀伯紫周子淑計甫草等公雖官至六卿猶然布
兼濟堂文集

卷之十七

三

衣爾汝曾不以貴賤分異態也先是溧陽陳百史者
公同年友也素與公相牴牾及百史禍在不測而公
獨昌言救之嗟乎昔韓退之誌柳子厚之墓而舉以
柳易播一事謂其篤友生之義不爲下石之擠末世
難之然則公之於百史也其尤迄今之不數數覲者
乎公受

兩朝知遇力圖報稱雖稱疾猶視事請告數四皆荷
溫綸遣官視病至用

尚方醫藥旣而情詞迫至始

允歸里然猶以輔弼之猷爲公致望於他日也而孰意公之遽厭人間也哉公歿後儀曹請恤

符均稱無愧云公奏疏若干卷未刻定山堂詩若干卷已刻詩先刻之吳門者與錢牧齋吳梅村合集有江左三大家之稱文集若干卷未刻草堂詩餘若干卷已刻大書傲顏平原褚河南行草得鍾王三昧海內得其詩文手書藏弄之若駟馬拱壁云公生於故明萬曆乙卯十一月十七日寅時卒於

兼濟堂文集

卷之十七

三十九

皇清康熙癸丑九月十二日寅時享年五十有九元配童氏鄉耆諱毓傑女贈一品夫人繼史氏諱尊美女封一品夫人側室徐氏賈氏胡氏藺氏子三長士積廩生援例貢監改廕生侯選正六品京職博學伉爽象賢有聲童夫人出娶任氏甲戌進士監察御史諱天成女副秦氏次士稚賈出聘貴州提學僉事程諱汝璞女女二一賈出許配禮科掌印給事中吳諱國龍子次胡出未字孫六志夔郡庠生援例國學生娶束氏莊浪知縣諱四箴孫女廩生諱懋節女志臯國

學生聘汪氏貢元山陽諱灝女志益邑庠生聘陳氏
副戎黃陂諱世昌孫女拔貢諱松生女志說出繼鼎
珩爲孫聘汪氏邵武太守六安諱麗日女志旦尚幼
俱任出志夤秦出土稹等將以 年 月日葬公於

之原余爲之銘

銘曰企彼偉人其心則仁覃懷救世與物爲春寇起
於秦蔓延及楚彈丸斬城折衝禦侮桑土綢繆飄搖
風雨蟻聚蜂屯畏公如虎青鎖駕行拾遺內召伊訓
臯謨朝夕入告折檻牽裾扞彼讒娟謫城旦春哀此

兼濟堂文集

卷之十七

四

煬竈干旄求賢賁於骨骭昌言救時直寇垣省亞相
烏臺蕙畝蘭晚驄馬澄清萬邦爲憲中遭顛躓履險
而平旋復八座寵辱不驚司寇明刑惻惻好生宗伯
寅清五禮載賡公之在位風雅蔚起凌轢謝顏枕籍
杜李廣屢干間舉火萬指甕牖繩樞分衣質珥覆盆
銀鐙待公不死家無宿糧門則如水天不憖遺身騎

箕尾

當宁痛悼臣隣篤棊賜誅易名令聞光偉肥水之陽馬
鬣雲蒸至人委蛻精爽攸憑宜其後嗣瓜瓞繩繩

間誥封奉直大夫德珩杜府君墓誌銘

癸丑之夏編修杜子靜以其先人奉直府君狀來請銘曰於乎先大夫之歿也時不孝蓋與計偕矣含歛未視遺恨終天越十五年而始得邀封先大夫如已階又六年請假展墓乃克行焚黃禮瞻拜松楸感懷存歿而隧道之石闕而未備先德弗彰用是惄然今天下可以寄不朽者先生之文而其不肯爲諛詞足以取徵信於世者亦惟先生之文敢惠一言以爲先大夫光余素景行德珩公而又與子靜垂髫同硯席兼濟堂文集

卷之十七

四

奚能辭按公諱珥字德珩澄城令于磐公子也公兄弟三人澄城公念起家寒素以方田任仲若季而督長子以勤學遊上庠未幾長子死因更以詩書之事屬予季季卽德珩公也公素聰敏一改業卽以能文名當世旋補博士弟子試輒高等常以讀書力學承膝下歡每手一編寒暑不釋且不以晝夜間也而公尤嚴廷訓嗣君子靜幼卽爲文協程式識者咸覘爲廊廟器有客常爲公言嗣君必貴公無俟沾沾帖括間矣公笑謝曰君言謬矣功名可以屬之子孫學問

不能恕之一已且余尚堪出人一頭地何遂欲落吾
事乎歲已卯子靜領鄉薦文名大噪自太守長吏以
下咸爲公賀公益自謙退謹慎每遇鄉黨宗族及貧
賤故交往還酌酢未嘗以倦辭及至薦紳大夫連車
騎盛晏會數邀公公終却弗赴也甲申鼎革天下多
故公慨然曰時事如此儒寇何爲吾尚友阮步兵陶
彭澤入華胥醉鄉聊以卒歲耳遂長揖辭學官不與
世事與二三故人作真率會祀杜康而廡以焦革春
花秋月良辰美景愉愉如也暇則督課諸子諸子皆

兼濟堂文集

卷之十七

聖

相繼入膠庠雍雍一庭藹然有和樂風辛卯疾作子
靜率諸弟視湯藥衣不解帶者凡八越月會壬辰當
計偕子靜決計弗就禮部試公力促以旦夕成名副
澄城公未竟志而密遣醫告以可愈狀且曰從命爲
孝毋戀戀也子靜乃北轅比出關而公已捐館矣公
內行醇脩生平曠達喜賓客豚肩卮酒必與人共之
觥籌交錯酒後耳熱曼聲長歌如出金石趙魏間賢
豪之從公遊者皆恨見公晚尤好施予庚辰辛巳歲
大歉親黨待以舉火者甚衆公稱量給之未有德色

公雖以諸生終老縫掖間而閭里頌之士論高之卽
貴顯無以過也以故子靜爲名孝廉二十年後竟登
第在陽信爲循良吏在中翰以博洽稱在西曹以明
允著終任木天望隆簪筆其才固足以副之乎實亦
公之有以啓之也卽其脫屣浮榮於滄桑之際意念
遠矣公真達人哉公生於萬曆二十五年八月二十
日卒於順治九年正月二十八日享年五十七歲

誥封奉直大夫刑部湖廣清吏司主事加一級配胡
氏封宜人先公卒子四長鎮中順治戊戌科進士前

兼濟堂文集

卷之十七

聖

任湖廣清吏司主事以纂修改授翰林院編修加一
級娶韓氏封宜人次鏌大學生娶丁氏次鏘廩生娶
趙氏繼娶李氏田氏次錦廩生娶張氏女一適庠生
張瑤孫一澄拔貢生鏌出旣爲之誌乃爲之銘

銘曰微山蜿蜒淳氣纏綿佳城鬱鬱是惟德珩杜公
之阡承先啓後繼柴桑東崗之逸開玉堂金馬之先
胸懷磊落寄情酒德徜徉於山水之娟娟四方名俊
景其風徽過廬必式咸曰此河朔之高賢其行克修
其神則全體魄釋斯百世弗遷

誥封奉直大夫萬興蕭府君墓誌銘

王煒

世有名臣必有名臣之父而名臣之父又必藉名臣以顯故往往以貴顯者未能盡以德顯也夫果其仁義道德足以範圍斯世利濟一時卽不以子貴亦當敘之獨行君子之列而况以各臣爲之子能闡揚其志之所未盡乎萬興蕭府君者侍御公長源之父也府君歿長君不遠數千里以狀來請銘余與府君喬梓爲兩世交久且厚不敢以弁陋辭因述其大略於貞珉以闕之按府君諱京字正夫號萬興中年隱於

秉濟堂文集

卷之十七

四

醫號通隱于其先固始人系出唐八葉宰相諱愿之後祖諱哲元時曾任閩行省尚書因籍侯官而家焉通傳至父鹿陽公初令慈陽旣遷益州郡丞凡八載歷署十三篆所在多異政人咸尸祝之蓋府君家世爲有本矣府君生六歲力能舉五鈞就外傳攻舉子業文思敏而工十六歲遊上庠文益竒旁涉諸子百家尤善書法常言顏平原書一筆千鈞楊椒山筆鈎如鐵歐柳諸字皆力透紙背字以品重不似今之學書者專以嫵媚爲王毫無古人骨氣也至於王敦郗

超等雖收入淳化集中不足觀矣顧府君好以古文詞爲舉業連不得志於有司或勸其由他途以進府君慨然曰天下方亂登仕籍者踵相接也吾與魚鳥爲羣耳寧能褰裳以就乎初從鹿陽公之任慈陽痛母曾恭人因不遇良醫而以病卒於旅次因從黃州學博胡慎庵悉力於岐黃之指逾年盡得其傳後著軒岐正論一書闡發五運六氣之原推究水火陰陽之奧其大要言醫人必先醫醫得人病愈止於所醫之人得醫病愈而受醫者已無窮人矣昔司馬文正

公云士達則爲良相不達則爲良醫其居心立義類如此也壬申鹿陽公由益州郡丞遷遵義太守未之官乞休得請是時蜀方盛兼富饒閩人寓蜀者多蜀人又素愛鹿陽公公意欲留焉府君進曰蜀富而民逸忘善禍將作矣鳥飛反鄉大人曷歸乎鹿陽公從之不三年流氛入蜀向之流寓者盡殪人以此盜服府君之遠見時值閩地大疫隣里間多懼而舍其病者以去府君太息曰是等骨肉於行道也不仁亦甚矣因親調藥餌以救之死則助以衾槨其後家人歸

見府君有愧容府君則淡如也甲申冬鹿陽公以天
年終府君具祭壘如禮嗣惟鍵戶課子曰以聖賢遠
大之業諄諄爲長君戒蓋是時侍御公年已十五矣
丁亥萑苻四起圍闔省城六閱月忽得間諜者言城
中居民悉賊親族將謀內應巡按周君欲詰戶籍而
盡戮外出者之家總兵張應慶者素善府君以告府
君曰此反間計也闔土隘而人多貨殖於外按籍而
稽不下數十萬戶口宥皆延頸就戮乎且自古惟有
自起項籍殺戮至數十萬然傳聞至今猶受報應將
軍豈忍爲之今賊見攻城不得故爲擣貳之言以煽
惑兵民將軍惟靜以待援亂自止矣張公悟議遂寢
全活數十萬家因以其事爲今侍御公言曰勿言爲
德而有德色亟亟然見德於人非德也小子誌之戊
子寇平是年侍御舉於鄉壬辰成進士始仕邢州司
李未幾以報最拜御史居臺諫數年封章侃侃無所
顧忌蓋一秉府君教也丁未遇

兼濟堂文集

卷之十七

哭

覃恩封府君奉直大夫戊申侍御公應晉秩京堂會乏
缺奉府君歸里府君自入里門數日一省親墓手植

松楸春露秋霜近淚無乾土焉居數載里人罕得其
面然以病告者卽徒步往視不啻拯溺救焚也壬子
夏侍御奉直宿縣之民而災未甚聞者
肯起原官依違膝下弗忍去府君力促之就道乃赴

闕未兩月而府君竟以疾終歿之日諄諄以無崇奉
佛事爲戒噫偉哉府君少有當世之志欲以其才建
功立業而遭時不偶借靈樞素問之術以寓其救世
濟物之意而其生平所著有忠孝兩集荆園小語皆
卓然正論尤痛絕瞿曇氏言其真所謂令人與居古
兼濟堂文集

卷之十七

聖

人與處者耶其所謂道與之貌天與之形者耶其所
謂隱不違親貞不絕俗者耶然而世之知府君者鮮
矣昔班孟堅稱嚴君平爲幽而不改其操雖隨和何
以加諸而李太白比之爲騶虞鸞鷲天漢之上懸其
高名若府君者洵其儔也大名成青壇先生曰他人
以能用爲用府君以能藏爲用誠得之矣而余終以
世旣莫能竟府君之用而究亦未易測府君之藏擬
以君子允稱其實而無愧也已府君生於明萬曆乙
巳年春月某日某時卒於生焉某處某里人爭持其

皇清康熙壬子年七月廿九日未時享年六十有八娶
陳氏先卒

誥贈宜人另有銘子一人震壬辰進士以四品內陞
候補仍補山西道監察御史陳太宜人生娶林氏
誥贈宜人孫夢松宜人林氏出

銘曰奕奕府君其道則直明運傾頽抱璞自匿岐黃
濟人其麗維億楚蜀燕吳驅車憑軾循墻而走小心
翼翼力可扛鼎不勇於力德已及人不伐其德告誠
諄諄異端是聖忠孝著書卓然不惑其用未彰其藏
兼濟堂文集 卷之十七 哭

莫識洪山之陽深秀而蔚魂息於斯松楸滋殖以裕
後昆令儀是則

代人其靈辨勳發清輝照平靈海而發小
濟曰奕奕府君其道則直明運傾頽抱璞自匿岐黃
濟人其麗維億楚蜀燕吳驅車憑軾循墻而走小心
翼翼力可扛鼎不勇於力德已及人不伐其德告誠
諄諄異端是聖忠孝著書卓然不惑其用未彰其藏
兼濟堂文集 卷之十七 哭

皇清康熙壬子年七月廿九日未時享年六十有八娶

四川劍州知州文衣喬公墓誌銘

公諱鉢字叔繼一字文衣別駕環一公長子也母馮孺人方娠時有善易數者筮之曰是當舉男壬日乃佳及誕果壬日稍長聰明過人六七歲時嬉戲卽不與羣兒伍別駕公器之爲擇師而教十一歲能文吟詩作字不入尋常格律二十歲入庠序好音律工射別駕公嚴飭之然心喜其才二十九歲補廩四方以詩屬倡和者日衆而索書者戶外屢常滿大宗伯王覺斯先生恒以書法推之每試輒冠軍然數不利於

兼濟堂文集

卷之十七

四九

闈屋別駕公訓之曰舉業聖賢之學也必收歛才氣歸於沉靜乃可以深入理扁小子當更勉之公卽謝絕交遊於齋後別建兩楹曰栢影軒讀書其中嗒然兀坐深有悟於易理之消息盈虛而以西方之言爲不足信常曰衲子坐禪低頭愁死耳丁丑起喬松會以養親族老者蓋以是娛別駕公云戊寅助邑令守城有功部議減年入成均時公年三十八見天下多事兼習韜鈴家言與人談行兵事若聚米山谷指畫形勢成敗立決腐儒輩多揶揄之公益自負曰若輩

終日持八股伊唔不休不識彎弓跨馬爲何事正堪
束之高閣耳庚辰辛巳歲大歉羣盜蠡起公出奇捕
勦之鄉里賴以保全赴部考主試者暗於文僅得主
簿公慨然曰昔賢曾有爲之矣豈不足爲政哉其年
冬任河南邲縣出都縉紳先生餞之府君大醉傾跌
作醉主簿歌都下傳之邲有三蘇四世六公子墓一
塚被劫府君俯瞰有誌視之子由冢婦梁氏也爲備
衣棺殮葬焉時代理邲篆射殺賊首何黑于邲人深
德公乃當事怒其專欲劾之適以裁簿得免丁亥改
兼濟堂文集

卷之十七

平

選以作藤賦名益著補寧波府經歷寧地濱海寇嘯
聚剽掠無虛日道府知公才令督兵同營弁進勦遇
賊騎數百公僞退賊來追率數騎返擊之揮刃大呼
賊披靡遁又冒雨夜擣其巢呼營弁跌語之曰催後
騎速進此雪夜擒吳元濟時也賊出不意棄妻子輜
重盡奔於海四明晏然直指薦其功署定海縣印鎮
撫舟山賊聞風解散民患悉平壬辰丁別駕公憂甲
午服闋補山東萊州府經歷乙未陞南城兵馬司副
指揮丙申冬京師大雪貧民多凍死者府君作地窖

寘火其中名曰陽春院全活甚衆遇

單恩得誥授儒林郎封父如其官贈母及妻皆爲孺人

是時也余方待罪副院諤諤糾劾不避權貴友人自

魏環極都諫楊猶龍宮詹及江南名士周子俶田髯

淵外他客罕接見者而公一至則倒屣下榻拈鬚刻

燭分韻賦詩爲爾汝之交都下咸羨慕之丁酉陞江

西湖口縣令湖口地窄而民刁公下車期月立變其

俗癸卯春陞四川劍州牧劍自獻賊蹂躪後遺民皆

刀劍之餘公則一意撫恤招復流移愛養樽節凡七

兼濟堂文集

卷之十七

五

載竭盡心力先是劍素有里長隱糧之弊公欲力清
之舊役恚挾里長譁於庭公據實申請上官以賄庇
里長而不直公公於是鬱鬱成疾卒不起嗟乎余幼
赴天雄過四楊橋蘭若見公之詩字而誌之癸酉交
公於棘闈其後公歷任各州邑余皆贈之以詩至於
長安旅邸花月之夕杯酒談心煮茗論古座未嘗無
文衣也在劍州時遺我以顏魯公逍遙樓石刻寓書
曰他日與相公往來逍遙樓下商略性命之秘當如
裴迪之於玉右丞也乃余方摹勒樓扁以待公而今

已矣公未遇時卽有志當世是以居官不論崇卑莫不實心任事而卒不獲致身津要以大展其生平猶幸宦遊所歷皆天下名勝奇絕處長江萬里棧道千層霞嶼翠巘驚濤怒浪收入於奚囊吟橐者不可勝數以故詩文之妙出語警透筆無塵翳不啻甘露之沃人心彩霞之悅人目也在郊有遊蘇墳記在寧波有越吟有海外奕心在萊州有野語在都門有詩文二選有燕齊吟在劍州有寤言有劍閣草有禡虎亭傳言有彙次孟子內外篇有訂補毛詩樂府而其爲兼濟堂文集

卷之十七

五

別駕公繼述先志則有大易通變餘稿括抄之刻其一生孜孜矻矻不遺餘力始信初娠時日者曰謫仙中人爲不誣也居官數十年未嘗增置產業而於詩文典籍老而彌篤公蓋實有所得於已者矣識者謂別駕公從事於性命之學年躋八十故府君過庭之訓爲有本云府君生卒年月于孫嫁娶具本家刻誌銘中

銘曰天與之情不豐於位娛以山水不侈於利筮仕荒陲道氣日萃躍馬長驅萑苻驚恚江右蜀川咸稱

能吏著述等身精思瑰異有約同心華嶽鼯睡何以
颯然而我遐弃誰與論文誰與晰義哀壑無光松楸
灑淚埋玉西郊雲根巍巋鬱鬱佳城子孫永庇

兼濟堂文集

卷之十七

五



兼濟堂王西郊雲根巖齋鬱鬱佳城子孫永庇
灑淚埋玉西郊雲根巍巋鬱鬱佳城子孫永庇
指東蒼翠羊良隸易與是齊條同必華嶽鼯睡何以

明故山左方伯思山王公墓誌銘

公諱藻字國華號思山其先太原人始祖大賢自明
初徙真定凡六傳至憲副諱撫民者登嘉靖己丑進
士官山左臬副配任恭人蓋卽公之父若母云公昆
季三長諱蔚登隆慶辛未進士官光祿卿次諱薦以
明經領膠州判仲卽公公年十二失怙奮志誦讀十
五歲補邑弟子員每試必定寇不驚聲諛日從事於聖
賢切已學問丁卯年二十三領順天鄉薦戊辰聯雋
春官第授寧國司李雅有惠政壬申遷祠部主政尋
兼濟堂文集

卷之十七

五

改廣東監察御史巡嶠兩浙執法持憲不少骫骳按
東省所過郡邑吏治一清旣巡京營時江陵柄相當
國門下多私人公抗疏劾之大忤相意借年例外轉
爲河南廉副值妖人之黨方熾設法解之全活甚衆
然公素剛介雖出任監司而峻節清風發奸摘伏無
異西臺霜肅時也壬午轉濟南大叅兼攝藩篆痛除
積弊歲得贏羨數千金悉資國用吏或自以爲廣交
延譽之資者公峻責之甲申丁內艱居喪哀毀盡禮
襄事畢閉門讀禮造廬而請者雖顯要弗一面也服

闕除隴右叅政其廉介一如叅藩濟南日同年張鞏
昌者過里門語其家曰清之過也徒爲代者資耳他
日有言及之者公曰吾所不欲也他何論焉轉莊浪
廉使時邊餉匱乏而歲復大祲乃堅請兩臺較常歲
多增鹽引而令各商上納糧餉計鐘以收之期與舊
額相當而於商仍無所損乃不兩月而所輸之粟軍
民交賴之矣公遂以病乞休地方攀公者至遮道不
得前家居歲餘特賜金幣起霸州兵備霸地逼京師
多貂璫向之官其地者悉聽意指公至率以正色拒
兼濟堂文集

卷之十七

五

之壬辰陞河南布政使是時山左連歲荒歉饑民狼
藉載道而海上復多倭警饋餉不支天子重念非公
無以克濟遂移公山左公至則悉心籌畫盡協機宜
時有備倭軍餉四萬石有奇已至運河值撤兵不用
公籲請借以賑民獲全無算往時藩庫收支出入必
經胥吏吏素逞奸輕重其手害及州郡自公蒞任後
悉令解員自秤貯帑宿蠹盡絕先是藩庫有積羨萬
餘金公核得之以三之一修理先聖家廟其餘盡發
以賑各郡縣災荒凡所措施悉有成效是時海內稱

必浴謂貧爲愚謂富爲好褒善培惡寧知天道公歿
踰甲公孫則佳奉常卓犖臬憲克諧淖水湯湯世美
克濟誰其銘之畢公之裔

兼濟堂文集

卷之十七

五



必欲開食飲愚賄富欲使貧善計惡盡賦賦亦公歿

大理寺丞柱河公墓誌銘

公諱去奢字爾遜別號柱河又自號思誠以見志世爲寧晉人遠祖琛用元時官温州路同知瑞安州事歷九世至奉常公諱推者登萬曆丁未進士歷官御史大理丞太常少卿配王太恭人生一子卽公也公少受學於太史張公息六性磊落爲張公畏友甲子舉於鄉丁丑成進士官涇陽令涇俗悍而素被兵於寇公下車立革其俗隨設方畧以固守涇邑城賴以全時軍興旁午索餉輒至數千議欲加賦公曰民力何堪官可罷賦不可加上官以不稱意每欲中公卒以無間止臬掾李某者以僞檄事敗移禍於咸陽騶人趙李故大俠其聲勢素能傾動當事當事莫敢斥之遂以其事屬公訊公按法讞之卒直趙而成李李終不敢有怨言也政成除儀部主政甲申之變公謝絕人事甘以田間老矣會我朝定鼎數起公於林泉間公堅辭不獲改擢湖廣道御史既受職條奏剴切侃侃無詭隨未幾視學江南校正文體振興士類疏請以壽州含山帑銀濟鳳陽

學舍一時掇巍科者悉公所拔士庚寅晉大理寺左丞因語同列曰朝廷自司寇而外復重之以廷尉借民命也居是職者敢不自訟乎以故凡涉疑獄公獨多所平反壬辰以告歸里督教于孫徜徉山水然猶期公以旦夕出而竟以疾不起也惜哉公性純孝事奉常公能以色養居喪三載無違禮初公爲諸生誦讀無間寒暑或寬勞之公曰欲博功名誠不必如是欲承先大夫之命不如是不可也寡姊攜二孤太恭人以不能自存爲慮公爲之築室宅傍瞻恤悉如太

恭人意室中常有器竊去僕人得之以獻公心知之而不忍以小物辱人力却以爲此非吾器然終不自白其意也爲孝廉時有旁舍兒者與公之廝養競其父母登門詆及公公卽遣去廝養以解之旣成進士兒懼匍匐詣謝公曰往事也忘之久矣道過清苑遇鬻妻者叩之知以歲祲故急捐金使完婦或曰饑者塞路可勝濟乎公曰吾惡夫耳目所及而不動吾心也至於過惡揚善濟困扶危觸目而施無有作意公真仁人哉公生卒元配及子女嫁娶悉詳孫恭憲公

所撰行狀中丁酉冬光祖兄弟將葬公於曹古疇祖塋之左因以狀來請銘余向從先君子奉教於公得公言行爲詳猶憶公督學江南時常謂余曰君盛年經濟異日必名當時余老矣位不望三事惟期苦心不沒耳緬懷疇昔車過腹痛怛然興哀今爲公誌蓋亦自疏所憶不專掇之行狀而以信以詳則竊有取於善善之意而非阿所好也

銘曰柳季不薪膠西下馬名德在人千載之雅維公鴻烈歷職許單廼執文衡其道之南湯湯江流楚腓

兼濟堂文集

卷之十七

卒

吳頰偃札遺風聲彩奔發鈞埏在握茅茹節拔公之在職人淑其教公之去職人懷其道薪之慙之衆美則效佳城翼翼天所報稱鸞翔鳳翥元愷斯同千年保之振振繩繩

鳳凰詔封通奉大夫太子少保禮部右侍郎兼內翰
林國史院學士六鵬李公墓誌銘

公諱方懋字六鵬號霽巖世籍江南嘉定弘治間移
家京師爲順天人李氏世有積學識者知其後必有
達人公生而純厚讀書日數行下寡言笑然間發論
則騰踔瓌偉四座皆驚事二親以孝聞入黌序好爲
古文辭雖屢躡場屋而學益力前後居親喪哀毀盡
禮幾至滅性以此見重諸當路公寡嗜好確然有持
旣鬱鬱不得志闢地數畝種花樹檉植果蔗灌溉之

兼濟堂文集

卷之十七

三

餘則督課子弟雖守傳註說時出新意毛鄭程朱考
辨精切故丁卯以來長公輒菴售公之諸子先後售
平日與公稱同志者多與公之子稱同年而公獨落
落不合每味孟浩然十上恥還家徘徊守岐路之詩
爲之慨然晚年閉戶著書自經傳以及稗官野史分
類摘鈔成書六百餘卷名曰雅菴少宰孫北海先生
與余常亟稱之別著文集若干卷藏於家公以長公
菴菴貴累封通奉大夫太子少保禮部右侍郎卒於
康熙七年十二月二十日元配梁氏封夫人先公

九年卒男四人長奭棠丙戌會元探花及第歷官禮部左侍郎卽余同年字輩菴者也次起元安陸府知府次元發甲午舉人次元颺諸孫十人長仙源奉天府推官次仙灝仙湘皆貢監生次仙潢仙流仙沅仙湄仙沘仙津仙渡孫女四人長適丙午舉人馮載曾孫鏞鎮銓鐸鐘嗚呼公嘉言善行多彰彰在人耳目而德行文章尤足爲世楷模使余得聞其緒論必有開發愚陋以達於昭曠之域者而竟以塵勞汨汨失之是則愚之咨嗟涕洟而不已者也然先生雖居京

兼濟堂文集

卷之十七

奎

師而老屋數椽僻居沙窩門內知契者非覓駿足齋糧糗往往半塗而返公則居之數世不移卽此可見公之高風逸致如鷗鷺翱翔於寥廓也余又何足以知公哉元發等將以康熙年月日扶公柩與梁夫人合塋於廣渠門外祖塋之新阡爰礮石請銘

銘曰于閔之玉出彼流沙磨礮淬厲瑞於王家煌煌芝草蔚其三秀榎楠杞梓天室之構公獨何爲嗜古去財篝燈鑿壁積德不回佳城鬱鬱達人所寄宜子宜孫永錫不匱

誥授通議大夫總督倉場戶部左侍郎念蓋陳公墓誌銘

戶部左侍郎總理倉場陳公歲考滿今

天子璽書褒美增秩有差亡何以疾歿於京師其孤良珮以其門下士刑部員外郎李可汧之狀來請銘余與公同出杜長垣先生門下誼不得辭公諱協字念蓋其先順天通州人後徙文安以讀書世其家舉丙戌進士初授中書舍人得以暇究心當代掌故儲所學以需大用歷工科都給事中嘗

兼濟堂文集

卷之十七

三

世祖皇帝親政弘開言路時慷慨疆直之士皆得以敢言自効卽有抵觸不加譴責也公尤質厚非軍國大計不以聞常朝奏而夕報可初入禁垣首言請定賦役預以易知單布海內俾民不重科官吏無容乾沒遂俞旨下司農修直省賦役全書又言開國之始謚法未定臣下靡以勸懲公請自元年以來凡文武大臣故者應列事蹟議之太常秩宗請於當宁而後覈定本朝令甲之申易名之典皆自公之議始宣大爲雄邊自姜逆之亂城若甌脫已又裁宣撫與口北道公

又力言修復之便迄今漸得生聚他如蠲文大鹽課之攤派談畿輔水利之蓄泄陳凶荒窮困之無告洞悉國計民隱天下聽之公竦頰頰洪音吐鬚髯戟張每恨故明臺諫以門戶恣譟詠以空言債實事故巋然獨立而所言不抗不墜無出位之謀然其中則毅然不可奪者也既得內陞補太僕寺少卿遷鴻臚寺正卿隨轉通政使司左通政再轉宗人府丞旋擢都察院副都御史一歲累遷會甄別京僚得

溫旨予稱職公益感優異暢所發舒嘗專論今日興屯

兼濟堂文集

卷之十七

壺

之利可以生財不宜裁官俸汰工食救錐刀末術所言悉得憲臣之體未幾陞兵部右侍郎理督捕事已又改戶部左侍郎總督倉場其任督捕也申明條例嚴別真偽而葺屋窮簷無株蔓之苦全活奚啻百萬其任倉場也痛除積蠹凡會計權衡纖毫無苟而國儲亦日以贍足噫公之功在社稷蒼生公之志在竭智盡忠歷仕數十年始終如一日而精神亦坐是以漸耗矣然聞

先皇帝之崩也感激宿恩烏鳥泣至却七箸不肯飯病漸

劇鳳台山大塋之役猶力疾號泣以行竟至不起於
戲服官也則勞易簣也則忠比於死事之例所當大
書特書者其功宜錄而其志足悲也公少而好學殫
精讀易著爲正解義無偏駁乙未分考禮闈所拔多
名士其與人交不爲翕翕熱遇有患難出死力默相
援手而不欲人知與余尤交好若同氣比肩禁掖每
有商確必出肺肝相示雖避人焚草公顧獨暱余曰
魏子以爲可當目無不可者及余掌臺事抨擊無所
忌嫌僉人側目公憤然髮上指若身之捍敵又輒爲

兼濟堂文集

卷之十七

奎

從容救解余旣感公之義未嘗不嘆其密而自悔其
疎也余以甲辰之春作哀三子詩謂胡少宰予袞楊
方伯猶龍及公而三也胡楊以才公則以質今皆相
繼奄化嗚呼一年之中哭我良友何若是其頻也感
念疇昔惘若隔世能無臨風而隕涕哉按公之先世
有儒行父國維號翼衡萬曆乙卯舉人仕四川遵義
府推官有聲跡兩世以公貴皆贈如公官伯兄曰慎
以貢任崇明知縣全城有功贈少叅子襲哈番二世
季弟曰怙公以子廕讓之爲國子生事具狀中公元

配王氏贈淑人繼配張氏今封淑人子二長良珮廕
監生張氏出公生於某年某月某日卒於康熙二年
七月某日享年五十有六良珮以其喪歸於文安將
卜某年某月葬某阡而以王淑人合祔焉禮也余旣
爲之誌復

銘曰維念蓋氏祖德是將遵義之緒厥大而昌廿年
官達未之四方亦顯亦遂云胡弗揚官於京而死亦
於京其盡瘁之宜表而盛德之難名吁噫乎謫不盈
夫甲子還鍊魄兮幽坐騎駟乘虬雲氣上征

兼濟堂文集

卷之十七

奕

陝西布政司叅議瑤林賈公墓誌銘

盛於德者不必顯於位豐於才者不必隆其遇其人
之可湧而可思者不必盡享大年裕後嗣食報世世
也蓋天道難齊人事不定古之君子爲莫可爲者於
一已而其不可爲者聽之於冥冥不可知之數而初
無責報之心焉余與賈公交近二十年公官至叅議
死而無子其弟儼然衰經中又經營其兄之喪事以
狀來請銘余旣哀其意又不忍以公之盛德而泯泯
無傳也因借墓門之石以抒揚摧之思公諱廷蘭字

秉濟堂文集

卷之十七

李七

瑤林別號西巖世爲真定人前戶部尚書贈太子少
保樵邨公元孫也高曾俱以武功顯祖鞏祿邑庠生
父惇以公貴受封如公官及母呂氏封宜人生三子
長卽公次廷蕙公自髫鬣時輒舉動如成人授書成
誦常受業婁中立之門坐臥瑞荷樓下每見淥水芙
蕖花香草色時有會心工於文當代鉅公咸器之尤
好古文及禮樂兵農河渠諸典制丙戌補博士弟子
辛卯舉於鄉乙未成進士初任遼州牧同考秋闈庚
子授戶部員外郎辛丑監督京倉壬寅遷郎中復差

通州管坐糧廳事竣部議稱職甲辰分校禮部試旋
遷汝南道丁未值裁缺在籍二年庚戌補饒南九江
道甲寅擢陝西布政司叅議時軍興旁午大兵屯漢
中一年之間日疲轉餉公素有痰疾復值太翁以疾
卒於隨任公一痛幾絕乙卯歸里營喪塋畢痰疾轉
甚藥餌無效而公竟溘焉長逝矣噫公歷宦二十年
因事悉心隨分盡職其始任遼州也遼役宋際昌有
女年及笄隣婦張氏乘夫他出誘歸止一宿旦還家
不發一言自縊死獄終不明公留心密察盡得其因

姦致死狀卒正厥辜旣巡饒南饒有許生裕者幼聘
同里富民李如松之女爲室未幾裕父母相繼死家
業日落商僧某心艷女之色而重利如松以金誘引
退婚女弗從徑趨公鳴冤公震怒立召許生與女卽
日完婚配而懲商僧以法郡人頌之卽此一二端皆
公之仁心善舉彰彰在人耳目間事而一時之頌公
戴公者罔不以公爲宜享大年裕後昆食報世世而
公竟以乏嗣聞意者公亦爲其所可爲者而其不可
知者公固原無責報之心乎然則公雖不獲享大年

裕後昆食報世世而其可慕而可傳者殆有甚焉今其季弟之狀曰悼長吉之弗祿痛伯道之無兒殆難爲彼蒼解矣司馬遷不云乎儻所謂天道是耶非耶君子於此亦終聽之運數之不可知而已

銘曰洪鑪運轉七政錯行人生如寄誰能與爭公之先祖爲世名臣奕葉蟬聯步其後塵敦歷內外所在有聲孝友惇睦隆於家庭昊天不弔乃喪厥考抱痛秦關重趼遠道疾之不瘳命也何尤地名勝坂藏室於幽生旣少欲死又何求淒風衰草馬鬣松楸賢哉兼濟堂文集

卷之十七

五九

厥德魂魄無憂

